



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. XVII. Signa post mortem.

[urn:nbn:de:hbz:466:1-49178](#)

ties gemuit, & suspiravit : tormenta quæ poterant ei præsentem mortem inferre , 162. subiit: supremo in agone, quali jam moriturus, decies ac nonies fuit. A Pilati prætorio usque ad montem Calvariæ portando crucem 321. passus confecit. An non ergo *empti estis pretio magno?* Et tamen post tot debita ex parte tua, post tot beneficia ex parte Christi, nonne tibi ingrata anima meritò posset exprobrare Salvator tuus quod apud Isaiam : *Ob-lita es DEI Salvatorū tui, & fortis adjutoris non es re-cordata?* O Christe ! quid aliud jam tibi offeram pro omnibus pœnis quas passus es , nisi me pro quo passus es ? Hoc mihi jam certum , quia tu mortuus es pro me, mori mundo, mori mihi, mori omnibus quæ sunt mundi , ut tibi soli deinceps vivam, ô vita mea ! Adrepo ergo manibus, & pedibus per montem Calvariæ, ad tuam Crucem, tanquam misorum asylium ; ad te crucifixum, non jam fulmine armatum, sed plagis multis vulneratum, & exclamo contritus, & gemens : Parce mihi Domine, quia tu non pepercisti, ut parceres mihi : quia ut me sanares , vulneratus es; ut ego viverem, mortuus es ; ut ego declinarem à malo, & facerem bonum , atque ita obtinerem summum bonum, declinarem summum malum, inclinato capite tradidisti spiritum.

## §. XVII.

## Signa post mortem.

Cum inter cœli obscurati cæcas tenebras, & caliginem , solis deficiens pallorem, noctis diurnæ silentium, inter frigora, & fævientium ventorum turbines, inter hostium suorum ludibria & scommata, sexcentis cruciatibus exhaustis medio in aëre Christus spiritum Patri reddidisset,

repent-

repentè, velut è cœlo, signo dato, cœlum & terra  
cœperunt simul pati, ubi desierat pati is, cui data  
est omnis potestas in cœlo & in terra. Sol in cœli  
statione medium cursum tenebat, cùm ecce ex-  
tinctis omnibus luminaribus, densa, attra, spissa, &  
Ægyptiaca nox incubuit mundo: totus aër tene-  
bricosâ caligine in horrere: terrarum machina  
imis quassata sedibus, omnibus concussis cardi-  
nibus tremefacta nutare, ac fluctuare, sepulchre-  
ta moveri, tumuli aperiri, mortui à funere excita-  
ri, velum Templi ab imo ad summum scindi, ac  
in binas partes disrumpi, elementa omnia tumultuati,  
natura universa quasi in antiquum chaos  
resolvi, condita omnia cum suo conditore velle  
interire. Si fors inquiras, propter quem tempe-  
stas hæc grandis venit super mundum? Intelliges  
ubi audieris, quæ sequitur, historiam. Olim cùm  
Amalecita quidam juratum Davidis hostem Sau-  
lem occidisset, venit ipse concito gradu ad Davi-  
dem, ut hoc ipsi quasi præclarum facinus annun-  
tiaret: narravitque modum, quo Saulem inter-  
emerat. Tunc ( inquit Sacra Regum historia ) ap-  
prehendens David vestimenta sua scidit, omnesque viri,  
qui erant cum eo, & planixerunt, & fleverunt, & jeju-  
nârunt usque ad vesperam super Saul. Dixitque David  
ad juvenem qui nuntiaverat ei: Vnde es tu? Qui respon-  
dit: Filius hominis advenæ Amalecitarum ego sum. Et ait  
ad eum David: Quare non timuisti mittere manum tu-  
am ut occideret Christum Domini? Vocansque David  
unum de pueris suis, ait: Accedens irruerit in eum. Qui per-  
cusserit illum, & mortuus est. Et ait ad eum David: San-  
guis ejus super caput tuum, os enim tuum locutum est su-  
per te, dicens: Ego interfeci Christum Domini. Adite  
jam tacitis cogitationibus Jerosolymam. Civitas  
in armis est universa: populus stat attonitus, tota  
terram

2. Reg. I.

II.

terræ facies atra eclipsi obnubitur, cœlum gemit,  
lapides dissiliunt, natura tota trepidat, stat ere-  
ctum in Golgothæ monte funestum crucis thea-  
trum. Cur tam insolentibus moribus tota rerum  
universitas turbatur? Unde hæc tam fœda tem-  
pestas? Ah! propter me tempestas hæc grandis  
venit super mundum. Propter te? Quid ergo fe-  
cisti? Ah! quid petis digna æterno sepeliri silen-  
tio? Quid fecisti? Heu! frustra sileo, quia pecca-  
tum meum contra me est semper. Frustra abscondo,  
quia nihil absconditum quod non reveletur.  
Quid fecisti? Ah! confusio cooperuit faciem  
meam: timor, & tremor venerunt super me.  
Quid fecisti? Ah! noli petere, quod vel scelus est  
dicere. Circumfusus cœli, jam propter me ob-  
scurati terrifico horrore, quia inter homines non  
vixi ut homo, deseram hominum cœtus, deserta,  
& solitudines petam, saxa & rupes, & antra, &  
cavernas, & spelæa, & belluarum lustra luci im-  
pervia incolam. Hæc requies mea sine requie. Ibi  
inter specus & antra in loco horroris, & vastæ so-  
litudinis, adjuro te ô Echo, meis mœroribus, e-  
julatibus, & amaris vociferationibus responde,  
& cum totâ intentione voces istas doloris mei  
testes ingeminavero, nimirum, pereat dies, in qua  
peccavi: dies ille vertatur in tenebras; quia ecce  
propter peccatum meum tenebræ factæ sunt su-  
per universam terram. Hastu voces Echo læpius  
ingemina. Quid fecisti? Ergone prodibit ex ore  
meo vox illa, ad quam tinnient ambæ aures om-  
nium hominum? Vox illa, ad quam obstupescunt  
cœli, contremiscet terra, pavebit mare? Vox illa,  
quâ prolatâ, clamabunt contra me omnia vindic-  
tam? Ad cuius sonitum concutietur DEI tribu-  
nal? Ah! tonitruanti voce undique contra me  
fulmi-

lob. 3.2.

fulminant, & contra me clamant, cœlum, terræ,  
DEUS, & super omnia, conscientia mea. Quid fe-  
cisti? Dicam tandem, sed priusquam dicam, ob-  
testor, & obsecro, fugite Angeli, fugite dæmones,  
fugite homines: ah! nulla sit quæ hanc meam de-  
testandam, & perennibus lachrymis, ac æternis  
gemitibus deplorandam vocem repetat Echo.  
Dicam, sed cum rugitu leonis, cum ejulatu, sin-  
gultu, planctu. Accipite funestam vocem impii  
2. Reg. I. parricidæ, ac dein æternum silebo, EGO INTER-  
II. FECI CHRISTVM DOMINI.

## §. XVIII.

## Conversio Centurionis &amp; aliorum.

**P**Ost cœli, terræque horrifica illa portenta, a-  
liud non minus sequitur admirandum; nam  
Centurio, & qui cum eo erant custodientes IESVM, viso  
terra motu, & his quæfiebant, timuerunt valde, dicentes:  
**Matt.** Vere Filius DEI erat iste. Expendebant secum taciti  
**21. 34.** insolentia cœli, terræque prodigia, quæ spectave-  
rant, ac potissimum terræ motum. Non dubium,  
quin mons Calvatiæ, & vicina huic Jerosolymæ  
civitas contremuerint. D. Anselmus testatur, la-  
pidem, cui superposita erat crux Christi, disru-  
ptum tunc fuisse. D. Hieronymus asserit, superli-  
minare templi, infinitæ magnitudinis fractum,  
atque divisum fuisse: itemque Angelos præsides  
auditos fuisse dicere: *Transieramus ex his sedibus.* De-  
inde videntes sepulchra disiectis terræ motu aut  
fissis marmoribus, quibus regebantur, aperta: dif-  
fissionem petrarum, solis deliquium; Jesu patien-  
tiam, ac pietatem, denique moribundi vastum  
clamorem: his omnibus ritè expensis, timuerunt  
valde, ne ob scelus admisum in innoxium DEI  
Filiū, immineret ipsis vindicta divina. Præterea  
omnes,

**L. de**  
**Pass.**  
**Dom.**  
**In cap.**  
**27.**  
**Matth.**